

30 IANUARIE
RUGACIUNEA
SF. IERARH-MUCENIC
IROLIT AL ROMEI

МОЛИТВА

О, преславный и дивный страстотерпче,
Архиерее Христов, священномучениче Ипполите.
К тебе, яко истинному ходатаю и молитвеннику
у Престола Божия мы недостойнии прибегаем и
смиренно молимся. Ты, яко пастырь добрый,
душу свою положивый за овцы своя,
приисполнен быв любви и веры Христовой,
укрепи и нас на стези спасения, да не погибнем
люте. Ты бо приял от Господа благодать и силу за
тяжкая и многая страдания твоя, чтущия
память твою, помогати и от бед избавляти,
избави и нас, молитвенниче всеславне, всяких
раздоров и нестроений. Божественным венцем
украшенный и каплями кровей твоих
священства одежду украсил еси, всеблаженне
Ипполите, украси благолепием святительства
Архиереи и вся священноначалия. Нас же всех,

призывающих тя с верою и любовью избави от
всякаго злаго обстояния, наипаче от
еретического зломыслия и басней эллинских.
Мир умири предстательством пред Господом,
безумныя вразуми и в вере Христовой укрепи,
согревая огнем молитвы твоея охладевшия
сердца наша, да сподобит Господь нас грешных
Небеснаго Царствия Своего, и со всеми святыми
прославляти всечестное и великолепое имя Отца
и Сына и Святаго Духа, ныне и присно и во
веки веков. Аминь.